

摘藻堂四庫全書薈要

集部

欽定四庫全書薈要卷一萬九千四百八十

集部

皇清文頴卷七十九

詩

七言律詩

聖德神功詩四首

孫致彌

聖朝宵旰重勤民特展時巡出

紫宸薊北柳絲初欲放淮南花蘂已爭春

龍舟乍發層冰泮錦纜遙添淑景新驛路三千齊望幸

歡呼扶杖太平人

永定河邊倚棹看橫流
非復舊桑乾
白魚躍處波濤靜
黃鵠歌中士女歡上策

九重親指授神功
兩月勝隨刊
勿言水患元難息
得沐君恩便不難

法宮圖繪舊曾頒
稔悉農家稼穡難一自

聖人過陌上頻教春色徧
田間瞻蒲望杏應須早
耨雨耕烟莫放閒
從此年年書大有
黍稌長載滿車還

吳風越俗漸還淳敢忘

天王異命申鑿井耕田皆

帝力條桑布穀樂天真頻逢稔歲人人喜已過花朝處
處春北望五雲爭引領

翠華今日又南巡

康熙己卯春二月二十三日濟寧迎

鑾蒙

賜召對恭紀

聖恩詩四首

孫致彌

翠華臨幸徧陽春異數何期及

小臣

十載重瞻天咫尺

九霄親拜

帝絲綸和風乍拂垂楊軟好雨旋滋細草新
自幸生當明盛世難將高厚頌洪鈞

勅使傳呼近

御前泥塗忽訝上青天草茅名姓

重瞳識蒲柳容顏

聖主憐獻賦得依

龍艦側承

恩轉憶鳳池邊休官尚沐非常寵何異金門侍從年
鸞輿曾發玉虹光

聖代崇儒冠百王九拜特隆新典禮兩楹重煥舊宮牆
庸材濫備金壺選盛事應歸石室藏
帝德如天書不盡十年珥筆杏壇旁

一統文明海外通

詔隨龍節下天東
徧收圖籍歸書庫
兼采歌謠補國風
特許決科溫素業
難忘將母塵

宸衷

皇恩深重知何似
直比滄溟與華嵩

暢春苑侍直

王原

三月春光醉上林
晨趨僦直立花陰
鳥矜新霽流黃小
柳耐寒烟貯碧深
劍佩下時仙樂近
樓臺迥處水雲侵

侍臣

忝綴文螭陞

謦欬親承識

聖心

詠硯池冰

王原

月銜片石曉凝寒
香歛縹囊古墨丸
影合蛟龍雷未動
眼明鸛鵒鏡同看
憑添玉冊千行白
與照冰心一寸丹
取次鳳池春有信
天葩五色吐雕翰

恭紀

聖恩詩四首

沈宗敬

素業相承有一經當時端尹侍

彤廷文章報國邀

宸眷翰墨開函傍

御屏曠典至今猶鄭重陳編留篋總清冷寸箋獨進

天顏喜

溫語褒嘉翠輦停

天章何幸及儒林中使宣傳

寵賚深願挹清風歌

聖德敢將蘭雪滌

臣

心六經廣孝真彝則千字成文有

座箴玉軸攜歸驚異數涓埃莫報倍沉吟

紈扇輝煌出尚方許將末藝進巖廊難描帝室山河壯
漫寫江南烟水蒼巖為

宸遊凝曉碧林隨輦路發天香三吳擊壤歌衢意圖繪
慙無六法良

偶將筆墨達微名

詔撫絲桐理正聲行漏鳴時相和答繁音指下自澄清

九成功德天朝奏四海絃歌大化行南幸年年望切
臣

薰風長此祝昇平

癸卯正月五日奉

命之秦中祭軒轅氏以下諸陵恭請

聖訓紀事

錢以壇

泰運乘乾禮百神恭承

聖訓侍

楓宸螭頭日麗銅龍曉雉尾香浮秘殿春萬里明禋金

節重尚方祝冊寶函新徽臣奉

命趨原隰天府山河特向秦

祀黃帝軒轅氏陵

錢以壇

橋山拔翠路盤紆沮水回環衆壑趨近郭高原三百里
繞陵栢樹一千株昇仙臺古存遺跡問道宮遙失舊途

問道宮今
在堂崗山

聖代明禋崇鉅典雲旗絳節耀天衢

北鎮

即暨巫
閭山

呂履恒

營州作鎮肇封疆恒岱遙同祀冀方北極星光分野濶
東京王氣亘天長迢迢松響聞空際漠漠山形入大荒
盛代精禋邁三古靈風甘雨祝農祥

大駕南巡詩八首

劉灝

東南民事軫

皇情巡守還依舜典行自昔

九重無暇逸況今四海久昇平減裁羽衛隨雲罕儲侍
金錢出水衡文鷁輕帆從簡易綠楊烟裏省春耕

宮扇雲旂下玉除恭隨

文母奉宸輿時調寢膳依行在日按晨昏問起居江岸
雨晴烟樹渺春風波暖畫帆徐

慈顏豫後

天顏喜孝思真同孺慕初

駐蹕淮黃緬禹功雲帆水靜正春風幾年疏淪煩人力
此日訏謨出

聖衷佇看千艘銜鷁尾已知百丈從鯨宮金堤玉斗榮

光滿長載恩波萬里中

欣欣老穉日相偕
匍匐山根與水隈
自訝此生田野裏
何緣親見

聖人來更無嚴禁
當儀衛時有歡聲
出草萊
盛世太平
真景色丹青如對
畫圖開

江城巖邑遞經過
闌闌熙然巷陌和
碧樹青烟村外市
綠秧紫穗隴頭禾
笙簫處處迎鑾曲
桴鼓家家擊壤歌
古史傳聞猶羨慕
於今真見更如何

詔書宥過及微臣祝網兼聞赦小民黍向寒時還就暖

木經枯後復知春簪纓同日皆生色耕鑿從今得此身
臣勵廉隅民向善相期同作報恩人

已沾行在

主恩深更仰慈航

聖母臨自是

一人崇孝治遂教萬國被

徽音臣民爭效岡陵頌草木難酬天地心檢點從來青

史內幾聞盛事似如今

銀管生香玉版新船窻翰墨動如神披雲向日

宣天語帶露含烟

賜近臣共喜開緘光奕奕還驚

垂訓意諄諄漫將鵠時鸞停擬比較王謨帝典真

龍池春草

劉灝

暖積迴塘碧草勻萋萋市岸及芳晨迎風低接宮花露
向日平鋪

輦路茵色映

御溝光自遠根滋靈沼澤常新年年感激陽和力散質容隨

上苑春

漁樵耕牧詩四首

劉灝

漁

生涯老向五湖過風掛蘆篷雨着蓑孤棹隨時移浦溆全家終日在烟波晨炊近折秋菰便夜火遙驚宿雁多

盤有白魚尊有酒滿灘明月一聲歌

樵

家依山下本長貧山上崎嶇獨採薪
細路攀緣常畏虎空林來往不逢人
行經老樹緣衣慣坐向清磯礪斧頻
偶看圍棋臨玉局一聲鶴唳出松筠

耕

又是春郊播種天帶耜荷耜出村前
雨昏布穀鳴深樹風過烏犍徧野田
饋餉每諳中婦苦勸農更喜長官賢

隴頭聚坐還相賀豐稔今年似去年

牧

平郊漠漠雨昏昏遠近長攜笛一根盡日夢依芳草地
三春路熟杏花村蓑衣著得偏能稱牛背騎來未覺喧
滿眼閭雲林木外歸從小徑認蓬門

早春出西郊

顏光燾

岸梅溪柳鬱交橫煖霧霏烟著處輕乍聽村農喧社鼓
遙看山畔試春畊解冰野水穿塍過報餉隣雞上樹鳴

為語康衢諸父老秋糧有

詔更蠲征

萬壽詩二首

黃叔琳

運應昌期轉玉璿光分南極仰星躔堯階氣象成雍睦
禹甸山川廣幅幘日麗

九重多瑞草春融萬井入祥烟垓埏久已歌豐豫行健
天心正體乾

蠲租

詔發未央宮鼓腹興歌德化隆
秉穗尚餘場圃外雞豚
堪入畫圖中時和每浥騰軒
露氣暖全薰解愠風雲表
翠華開雉尾迎塵稽首共呼
高

聖武平北詩六首

高其倬

星輝雲爛際時昌

聖主尊居卜厯長

至德九天明日月

神威萬里肅風霜版圖已見
昭無外聲教何容阻一方

三御六飛欣底定從茲海岳盡梯航

歌傳笳鼓擁回軍三月犁庭昔未聞銘勒燕支彰

大武謀成犄角靖餘氛一鞭已近長安日萬騎猶屯朔
漠雲天沛

仁恩寬黨羽招徠遣使日殷殷

為民總不憚艱難十月重臨朔塞寒毳帳千羣來化外
降幡一片入雲端從前空恃山川險此日方知雨露寬
遂自雲中回

警蹕不教壯士困征鞍

飛馳露布奏行營極北烽烟萬里清
佳氣連雲浮豹尾
祥光散綵護龍旌
華峯指日看歸馬
青海無波待洗兵
濯濯聲靈咸震疊
防邊不用築三城

和風甘雨淨飛塵
凱入千靈擁畫輪
事出萬全非用武
師行九伐為安民
冠裳夾道

天顏近鏡吹連雲
法曲新野老壺漿
咸鼓舞呼嵩無限
太平人

廟謨斷決自

宸衷匝歲欣看異域通塞外有天皆舜日寰中無地不
堯風雲霄

大業千年事竹帛

鴻名百代功歌詠終慙同白雪願隨率土樂年豐

聖武平北詩四首

汪濬

行營萬竈擁貔貅三路分兵獨運籌

天子自提軒后劍將軍欲飲月支頭彌山瑞草連雲翠

匝地神泉傍馬流川嶽百靈齊效順

鑾輿到處協天床

纔見

天兵奏凱旋軍營重列玉關前貂裘禦臘衝邊雪寶劍
經寒入塞烟逆部已全歸壁壘遊魂何自脫戈鋌指揮
四面無遺策定戮蚩尤馬首懸

闐闐振旅入重關警蹕清塵

萬乘還遮道壺漿迎羽衛盈城父老拜

天顏三軍鼓吹鏡歌發四海歡呼露布頒共慶

皇威宣絕域金戈一指定天山

紫塞兵聲永不聞磨崖萬古勒

奇勲寧同實憲燕然碣遠勝周宣石鼓文

御墨昭回懸日月豐碑叢業起風雲邊城比戶安耕鑿
南畝新看五德耘

萬壽詩八首

周起渭

太平天子壽如天天帝高居不計年日月總行黃道裏

星辰常護紫微前
梯航接踵朝

金闕花柳長春傍
御烟閭闔雲中歌吹滿
遙同萬里祝

增川

百疊祥烟繞

帝宮玉階仙仗曉
瞳矐銅池芝草年年長
仙圃桃花歲歲紅
夏屋連雲千里合
春臺送煖八方同
還看天意如人意
十日甘霖五日風

正朔遙頒十二樓
九州之外又神州
地通香海環流處

人到蓬山最上頭
棠葉莫窮天甲子
蟠桃長記

帝春秋紅雲歲歲依香案
嶽瀆朝宗拜冕旒

光風冉冉鳳城隈
山色濃如獻壽杯
金埒幾程過閭苑
玉泉三匝繞蓬萊
空同路向青天入
太液波從碧漢來
聖祚綿延春日永
百花齊傍

御筵開

宮柳含烟百子池
仙花簇錦萬年枝
金莖雨露山河潤
玉藻衣裳日月垂
羲畫開天龍馬出
虞琴解慍鳳凰儀

從今十屋添籌算甲子千回總盛時

減賦蠲租歲未停

深宮子夜尚談經禹糧堯韭俱登饌周鼎湯盤總勒銘
天上七星持斗柄人間五嶽繪真形華胥世界春何極
日日東風百草青

高樓大牖鬱嵯峨銜尾千帆次第過九曲安瀾天作塹
百神受職海無波風飄楊柳牽絲纜水泛桃花淨綺羅
但使江河同

聖壽永教千載奠江河

雍雍禮樂更桑麻王會衣冠道路賒
喬嶽已看船是藕海山新貢棗如瓜
千秋歲月同春晝萬國河山總帝家
從此八荒開壽域年年今日醉流霞

奉

使朝鮮雜詩五首

揆叙

初出

都門

風薰燕市雨初收近郭村村綠樹稠戀

闕迴瞻天北極計程直向海東頭碑傳箕子遺封在地
訪檀君舊蹟留行徧淵波江畔路歸途迨遞指清秋

中前所石佛寺芍藥

郊園紅藥已紛披意外禪扉見數枝此地遲開如有待
他年重翫與誰期最憐野月當頭映莫遣邊風掠面吹
為語山僧須割愛臨分真合贈將離

過摩天嶺

炎官火織正當空峻嶺摩天地勢雄曲磴迴環青靄外
亂山高下綠陰中沉沉雲合渾忘暑栩栩身輕想御風
却笑白衣勞轉戰只今異域盡來同

立秋日平壤作

沮江雲歛萬峯青亦有梧桐一葉零還往山川諳異域
遷移時序驗虛星蟬鳴漸較秋前切蟲語初從夜半聽
便覺微涼侵枕席不須重上快哉亭

肅州肅寧館觀荷花

石徑無塵暑氣清
水花齊放趁秋晴
香吹翠蓋含風細
粉濕紅衣墜露輕
短策馳驅明日路
小亭延佇暫時情
金塘玉漱多幽賞
不負九都嶺外行

夏五月恭聞

上因旱減膳至八日時雨大沛適下直於西山別墅推
憲望雨喜而有作

岑 岱

精誠信可與天符
遊豫歡從萬姓呼
雲壑空濛山意遠
原田膏雨稼苗蘇
白公退食閒瀟洒
與客憑軒興有無

不用丹黃能繪手天然一幅米家圖

瀋陽

夸岱

鬱蔥城郭信佳哉尚見當年王業開絕塞屏藩皆北向
二陵山水自東來餘荒作洫猶堪畝即社為倉可備灾
海上魚鹽邊上牧經營須仗濟時才

春日

駕幸南苑四首

法海

鑾輿曉日肅鈞陳羽衛驟驪扈近臣嫩柳韶光新有色

春膏和氣淨無塵飛芝細傍重城轉獵騎遙連六轡勻
鎮國寺前回首望草橋齊渡小河津

迫野連空入望賒春冰初泮印平沙雲移仁網開三面
風逐霜蹄散五花金勒控弦持鄭重玉鞭連騎遠周遮
千旂獵罷平林外駐馬南莊日欲斜

鷹師狗監列行圍獵獵霓旌趁早暉東郭草間遮脫兔
南山雲外落飛翬重環共說韓盧俊鷲鳥曾歌尚父威
今日

君王多霽色歡聲齊逐馬蹄歸

春日靈臺駐

玉鑾羽旄鐘鼓萬人歡芻蕘雉兔原無禁監令丞司各
有官畿內更嫌文園小編氓深喜

聖恩寬詞臣亦有金門賦莫作揚雄羽獵看

恭和

御賜山莊避暑詩扇二首

覺羅滿保

萬幾清暇駐山莊民莫關心

睿慮長十雨五風周甸服千巖萬壑繞岩廊自天湛露
螭頭渥當暑微颺殿角涼珍重驪珠五十六擎來

御墨尚留香

太和元氣聚山莊石磴松筠

輦道長軒棟呈祥雲入牖堯階崇儉竹為廊研硃點韻
丹文麗挹露揮毫玉宇涼猶記往時陪

法從經函長傍

御爐香

恭隨

御駕北巡自

暢春園駐

蹕湯山恭紀

覺羅滿保

羽林遙映翠微峯
繡野雲開奉

六龍溫液香浮烟
正煖熏風晴拂瑞
初濃村連幕影雲
千疊陌散林光翠
萬重紫塞招涼叨
珥筆恩波浩蕩此
先逢

春分即事應

覺羅滿保

制

晴臨古淀講春蒐整頓軍容

睿算周千鷁齊飛鴻雁陣雙旌圍繞杜蘭洲平分玉漏
當春永共仰恩波並海流日覲

天顏瞻聖武祝衢願進萬年謳

聖駕親視河淮巡行江浙恭頌八首

姜宸英

十年輿望切

前旌咨警長留

聖主情祇為

神謀存北伐故教天意緩南行奇探虎穴狂氛靜怪鎖
蛟宮濁浪平今日雙龍趨翼衛春風搖曳出

皇城

舳艫南指路非賒楫擁烝徒靜不譁行漏曉供長信膳
迴帆初放紫宸衙漁樵得意瞻容衛鷗鷺無心避鼓笳
中道時聞寬大

詔懽聲雷動萬人家

塗泥自古記淮揚已束洪流似帶長綠字朱文窮宛委
隕林楗石陋宣房精誠感動鮫人泣

方畧潛驅罔象藏會有靈圖符

聖瑞波心泛激發榮光

瀕河猶自愁艱食

詔截東南十萬艘更免舊逋紓郡邑同霑新惠出波濤
家家秋潦成堤堰處處春田響桔槔比量

皇恩真似海百川奔赴不辭勞

祥飈吹送大江流一望南天瑞靄浮蓬島侍書羣學士
塗山輯玉萬諸侯同瞻

日角歌岡阜喜覲旌門拜

冕旒誰是旬宣多政績內傳新賜黑貂裘

東吳佳麗巡遊處風景微傷不似前秋穫未經開百室
天恩重與賜三千宏恢

帝網金鷄舞廣厲儒宮木鐸傳試看

六龍新幸後明湖草木倍鮮妍

三山凝望日光輝講武臺前翠幙圍
細草平沙開馬埽黃雲紫氣護

龍旂將軍命中誇猿臂校尉登場號
飛次第千官同拜賞

迴鑒爭獻萬人衣

天章絢爛動星辰灑落銀鈎氣象新
烟火萬家纔極目登臨半晌已縈神
江山迢遞歸淵宇人物熙和浹大春

樗散無由叨扈從陳詩聊和壤歌民

聖駕南巡紀德詩


張元臣

柳舒金縷拂

畫槩蘭橈趁曉行千里和風吹浪暖一天麗日映
清巖花處處增春色節屋家家識

聖明至德彌綸壽與並神功萬載慶平成

皇清文頴卷七十九



總校官庶吉士 臣張能照

校對官檢討 臣郭寅

謄錄貢生 臣李炯

欽定四庫全書薈要

集部

皇清文頴卷

八十一

詳校官候選知縣臣吳甸華



欽定四庫全書薈要卷一萬九千四百八十一

集部

皇清文頴卷八十

詩

言律詩

奉

命供奉南書房恭紀

張廷玉

箕裘弓冶不勝任又許鷦鷯託上林
兩世直廬明主澤廿年書局老臣心
山樗敢望依神莢土鼓偏教傍



帝琴慚聽六宮人盡說蘇瓌有子荷恩深

扈從喀喇河屯蒙

恩召入行宮

賜宴徧覽苑中諸勝恭紀四首

張廷玉

橐筆羣叨

錫宴榮簪裾聯步到蓬瀛雙溪水繞平橋遠萬壑雲依
御座生臺榭參差隨地築山川環列自天成閨風換盡
塵凡骨俯仰都教耳目清

盡收好景在庭除一幅幽風總不如湛露無邊滋稼穡
萬幾餘暇玩圖書天淵體道鳶魚趣山水怡情仁智居
五色

宸毫光萬丈仰瞻銀榜勝瓊琚

層臺高陟若凌空人在苔痕樹影中夾岸林巒含宿霧
隔溪歌吹逐微風芊芊草拂漁磯綠點點花飛釣艇紅
到此始知文圃樂時當秋爽若春融

承

恩更泛木蘭船特設芳茵

御陞前法醞自天傾石髓宮庖隔岸送瓊筵幾人得聽
金璫曲兩袖都携玉篆烟自是太平多盛事塞垣同賦
蓼蕭篇

召遊行宮後苑恭紀

張廷玉

澗草巖花映碧蘿五雲長護萬年柯迎涼樓閣依山迴
避暑軒窗傍水多卧石幾重橫玉几飛流千尺瀉銀河
誰言天漢無人到已許乘槎六度過

是年奉
遊覽凡六次
恩命

扈從塞外蒙

恩特賜

御書澄懷二大字恭紀二首

張廷玉

琳瑯寶氣出華林
義畫堯文重古今
久沐恩波依帝座
更將止水勵臣心

宸毫直並雲霞麗

聖澤真如江海深
簪筆幾人叨異數
同時拜舞

禁庭陰

傳經

天語昔欽承

曾蒙賜傳經堂額

恩

又對澄懷永服膺蓬萊高騰

千丈焰姓名難稱一條冰家聲清白期無忝雅量汪洋愧未能竊願洗心遵

聖訓何時道岸許先登

萬年寶祚詩四首

張廷玉

無疆

寶祚慶延綿花甲初週六十年

厚德永貞功配地

至誠不息道同天人遊禹甸堯衢裏

世躋三王二帝前草木長春當令節卿雲紉縵照瓊筵
物阜民安託

聖朝

帝功魏煥治光昭

守成創業經綸裕

垂拱時巡雨露饒重譯梯航來萬國兩階干羽格三苗

自從府事修和後歌叙親聞奏九韶

宥密精神貫八荒猶勤宵旰勅幾康先憂後樂身彌健
保泰鳴謙德愈光但欲農桑安作息不教芝鶴獻禎祥
九重欽錫繁多祉日月升恒海嶽長

雍熙奕禊慶

昌辰環轉干支第一巡

久道致成三古俗太和分作萬家春欣逢仁壽休徵溥
重會貞元景福新拜手稱觥同野老載歌

百祿自天申

恩賜

御書宮扇一柄恭紀

張廷玉

五明宮扇製玲瓏拜賜欣瞻

御墨融珠玉有光真世寶烟雲無跡本天工三庚似植
迎涼草四座如披解愠風自愧飲和先萬物纖毫無力
答蒼穹

雍正二年

聖主躬耕藉田詩六首

有序

張廷玉

欽惟我

皇上躬膺寶籙手握璇樞合二曜以齊光參兩儀而立
極厚生正德殫至誠不息之功重道尊師創自古
未行之典雨潤日暄之風教動罔不臧

宵衣旰食之精神所其無逸凡以致黎民之於變總期
奠寰海於久安邦有本以必先食為天而最重

特勤稽事肇舉藉田堯年正值夫甲辰舜日敬諏乎癸

亥春官視典京兆清畿協風應律於東躔淑氣蒸
膏於南陌芝輿華蓋當壇宇以星陳豹尾龍旗匝
街衢而電轉千官扈從金根耀晴旭之光兆姓觀
瞻蒼馬蕩祥烟之彩墮宮駐輦幄殿凝鑒奏

天樂之屢豐亨誠后稷展

皇虔於三獻合漠神農香霽金鑪爰

更衣於大次雲移寶扇遂

命駕於甫田葱蒨紺轅綴橫車之黛耜嘉禾瑞麥開貯

種之青箱於時四野晴和纖埃不動百神翼衛麗
景無邊

一燠初移發大地廣生之德

三推漸訖動陽春長養之風仰

帝力之維勤軫

宸衷而未已啓沉腴之土脈用勸三農運強健之天行
欲周千畝比前徽而倍越遵古禮以有加弭節從
容俟臣工之協力

升臺臨眺欣氓庶之赴功原隰溝塍繡壤紛披於禹甸
茅蒲襪襖畫圖嚴繪於豳詩迺

警蹕以言旋仍

望耕而未遠倚裳連袂爭躡踵以瞻雲擊壤歌衢盡
觀光而就日從此五風十雨

天田登御廩之儲佇看兩穗雙岐

帝藉滿神倉之蓄

臣

職居司稼心切課農跪捧瑤璋方

愧未分於五穀恭持耒耜更叨承乏於九推敬撰

蕪辭肅將鄙悃年豐人樂長編大有之史書地厚
天高永享昇平之歲月詩曰

朱靄天垂萬井春勾芒應律慶芳辰

九重稼穡開民事四海耕桑仰

聖人寶輅光迎霞彩麗華旗翠拂柳條新

六龍行處乘時令甘露祥風遍八垠

深宮宵旦念民天

丹陛頻聞鳳詔宣輿頌歡騰雙闕下

聖心勞在萬方先德符古訓崇無逸祀重農壇祝有年
廣樂雍容金石播太和元氣溢垓垓

昀昀原隰候傳

鑿黛耜青犁擁百官

一撥恩流千畝外

三推春散五雲端愛看田器

君王喜得近

宸顏父老歡比歲賜租過十萬昇平膏澤海天寬

繡陌風光儼畫圖
烏犍黃犢散平蕪
杏花舒萼天時暢
芳草抽萌地脈腴

睿慮悉同民隱合

神功潛與化工符
倉箱有慶梁盛潔

仁孝兼成萬世模

九奏簫韶見鳳儀
更聞三十六禾詞
烟篆雨笠終千耦
航海梯山貢兩岐
率土正逢行慶日
普天同是謝

恩時儒臣拜手書
博史彷彿幽風
七月詩

薄植偏承

帝眷隆從耕欣得次羣公養民竊愧司農職勸稼曾無
保介功親見南郊勞

玉趾久知東作廛

皇衷願隨鼓腹康衢叟載筆年年詠屢豐

恩賜紗葛袍服二襲恭紀

勵廷儀

樛櫟深慚扈

蹕行

宮袍重錫拜殊榮
文騰異彩看來麗
袖帶

天香著處輕當暑
清涼分

寵渥長途被服感
生成

微臣

莫効涓埃報謹凜
持身答

聖情

恭紀

南巡聖德詩五首

勵廷儀

平成聿奏歲華新
善後機宜待

聖人澤國蒸黎齊
望幸東山花木盡
熙春慶雲瑞靄迎

天仗甘雨和風淨路塵

俯鑒輿情勤

法駕九霄

巽命喜重申

言從問俗歷齊東到處民情徹

帝聰四境總教遊化日一隅猶自賴仁風
饑穰本屬天行數補救旋施大造功

特賜金錢留漕運閭閻歡舞兆年豐

霓旌仙仗壓春山輦路花明水一灣擊壤呼嵩歌樂土
瞻雲就日覲

天顏市廛不擾村廬靜雞犬無驚草木閒滿載後車供
玉食那教絲粒擾民間

牙籤翠軸擁行宮午夜常披寶炬紅名理日探登道岸
寶書時灑絢天工

親裁詔旨闕民隱

面飭官箴厪

帝衷自是至誠原不息乾行萬載慶神功

宿遷南下水盈盈容與中流

御艦行四載憂勤昭禹績萬年熙皞樂堯氓不辭風雨
親臨閱為喜淮黃漸奠平千里飛鴻咸樂業岸花隄柳
暢

皇情

楓林效香山體

勵廷儀

吳江風冷越江寒梧葉蕭疎楓葉丹春色何如秋色好

無花却勝有花看
高依

禁苑低依岸
遠拂征車近
拂闌玉露曉
零渾欲醉霞蒸
雲簇影珊珊

熱河直廬與

賜毫筆志感

勵廷儀

攤書終日對鉛黃
鏤管分頒出尚方
簪處不勝羞短髮
歸途猶喜壯奚囊
元和脚好多新樣
下里歌殘只舊章
老學分應無好夢
盡將才筆屬江郎

次韻蔣西君恭咏

御製木紙扇

勵廷儀

人間匠作一時空，便面新裘奪化工。
剪羽已輸千縷碎，裁紈寧許半銖同。
拔從木屑羣材外，得近

龍香掌握中。舒卷漫隨團扇伍，揮毫猶待寫薰風。
賜蓮房志感

勵廷儀

玉井花開百尺枝，綠房初結早秋時。
圓分海蚌探珠寶，香擘蜂窠沁蜜脾。
消渴不煩僊掌挹，清寒恰比蔗漿宜。

三年又拜承明賜甘苦中心祇自知

伏前一日

賜普洱茶

勵廷儀

曾賜雲龍一品鮮玉堂人困記當年月團再拜薰風後
雀舌休誇穀雨前旋拾松花添活火試烹瓦鼎泛新泉
煩襟未信清如許習習涼生六月天

御試詠千葉桃

蔣廷錫

千葉桃開簇簇紅剪裁重疊費天工輕脂欲暈非關雨

薄粉初消最怯風
曉露滴時添綽約
暮霞飛處鬪玲瓏
續吟韓愈桃花句
不是西清即禁中

賜數珠恭紀

蔣廷錫

委佩拖紳媿未宜

九天今又錫牟尼
驪龍領下明珠顆
赤水山頭玉樹枝
四品一時驚異數
八人同日受

恩私從茲退食休
忘事記念章身慎
所思

分

賜入直諸臣

御書詩扇

臣

廷錫分得

聖製西湖夜月詩恭紀

蔣廷錫

重拜

殊恩出殿前珠璣錯落灑鴻篇

仁風扇處春生谷寶篋藏時光燭天東國月明歌有道
西湖波靜澤無邊

六龍巡幸多題詠從此吳山一倍妍

駕發腰亭跼至柳林

蔣廷錫

一輪晴日四圍山細草乾沙路幾彎地湧潮河穿兩界
天開北口鎮雄關黍苗日長同青薺石骨年深綴綠斑
曾是勝朝經畧地太平有象戍旗閑

夜光木

蔣廷錫

乍見星芒映室中喜看藜火照窗櫳夜明簾薄來西域
徑寸珠圓出海宮清似晶融還貫月碎如螢散遠隨風
此身恍入琉璃界寧羨金蓮蠟炬紅

恭誦

御製立秋日喜晴詩恭紀

蔣廷錫

重疊山嵐霧靄深涼風一旦豁濃陰
喜看霖雨成甘雨
仰見

天心合

帝心四野晴光舒化日遙空爽氣入高林

聖人憂樂先民隱

綈几微吟對碧岑

恩賜佛手柑恭紀

蔣廷錫

遠自東閩稱上貢

賜來塞外獲奇珍
黃雲變隼金光現
香霧霏微佛指伸
不向空拳論背觸
還從合掌悟陶輪
直廬此日誇殊典
六月先分海嶠春

恩賜蜜漬荔支

蔣廷錫

嶺南三度荔支芳
蕉核釵頭塞北嘗
乍驚紅玉顆剖開
猶記絳羅囊
十分崖蜜霜添味
萬里銀盤露帶香

滿口甘腴同拜食九天今日飽瓊漿

初夏

西苑觀麥應

制

王式丹

上苑鸞旗淑景移曉披麥浪影離離青林碧沼環千畝
甘雨和風秀兩岐勝日

宸遊同省稼豐年嘉瑞恰乘時即今譜入南薰曲新采
來牟率育詩

奉

詔增修皇輿表院中即事次韵二首

王式丹

瀛洲亭畔靜階除
匝匝槐枝亞碧虛
池面輕風迎散帙
檐牙初日照繡書
共知定本推前輩
未敢傳鈔付小胥
東觀從容參典校
駒駘載筆媿庸疎

棲塵簾閣喜新除
秘冊駢羅几席虛
周室職方傳舊志
漢家年表效橫書
要從鞮鞢增圖籍
豈為華離問史胥
理罷縹籤方永晝
垂鞭歸拂晚風疎

文廟釋褐

查慎行

數仞宮牆霄漢連
兩楹俎豆故依然
曾陪鼓篋三千士

重到橋門二十年

臣自甲子五月
入國學肄業

末學豈增科目重菲

才特荷

聖人憐較他儕輩蒙

恩早獨在青衫未換前

暢春苑謝

恩

查慎行

初着宮袍拜禁林
碧梧翠柳望成陰
可知

聖主栽培意即是
天工長養心
千頃池邊看鼓鬣
萬年枝畔聽鳴禽
從來日月無私照
一物含光感自深

恩賜玻瓈眼鏡恭紀二首

查慎行

玉比晶瑩鏡比圓
忽教披露睹青天
明珠吐暈泥沙外
爍火分光日月邊
名紙尚堪題細字
秘書仍許對新編
此生視息真何幸
雙眼摩挲敵少年

霽月光風傍

紫垣重欣

天賜出璵璠潭空秋水清無底壺貯春冰薄有痕絕勝
金鏡回晚景不煩藜火照黃昏曾經隔霧看花後老戀
餘光盡

主恩

分

賜南書房入直諸臣瓶中牡丹

臣

慎行得鞋紅一朶恭

紀

查慎行

扶桑初旭映瞳矐聯步晨趨入直同

紫闥恩光連

上苑玉階芳氣襲東風人來漢殿鶯花候春在堯天雨露中五色雲端親捧出仙葩爭看一枝紅

西苑觀麥應

制

錢名世

農務時勞宵旰心清和令節偶登臨流滋大液膏逾茂色映長楊綠轉深穰重最宜沾曉露苗新更喜沐甘霖

來牟率育羣方遍共奏成周雅頌音

賦得三十六宮都是春

趙熊詔

庖犧與義費研摹六六相乘卦畫殊卦本象儀因有數

以乾一至坤八位數
合計之得三十六

畫分奇偶亦同符

八卦奇偶之畫
合計之亦得三

十地中雷起陽初動天下風行陰漸敷識得循環生意
在乾坤隨處是洪爐

恭和

御製上元前二日立春

趙熊詔

韶光先映九華燈
臘盡輕寒氣尚凝
莫砌未全舒曉葉
玉河應漸泮春冰
堆盤生菜嘗新味
剪綵為花讓巧能
喜值芳辰膽

零藻青郊火樹卜豐登

雪中入直

陳鵬年

六花飛作

帝城春紫殿金鋪一色勻
萬頃鏡中難著影

九重天上本無塵
亞枝密想探梅路
饑雀寒如寓直人

獸炭龍團皆拜

賜同將雪水試茶新

曉殿

陳鵬年

清旭籠煙曉殿開
鬱葱佳氣滿蓬萊
波光鴨綠晴初動
柳色鵝黃暖漸催

賜茗香分仙掌露
陳詩喜上萬年杯
紅橋風月迎鑾輅
無數春從輦路回

聖駕南巡視河恭逢

萬壽聖節敬頌長句八首

吳廷楨

端拱

宸居念兆人翠華二月視東巡日臨黃道時方泰

帝御青陽物盡春望岱燔柴祠嶽后游河刻玉奠波臣
懷柔專為祈民祉先路仁風拂軟塵

待旦垂衣敞

御筵十行

溫詔殿頭宣雲雷春奮求言鐸藻火宵明解愠絃檢玉

賜書旁問俗縱金征旆遠蒐田勤民兼事行時令遙望
恩光下日邊

前驅列缺後豐隆步玉遙臨擁衛同
旆旆早聞收漠北
冕旒重見幸江東
威弧弦上天山月

法駕輪扶海甸風拓地歸來勤省土
方行萬里盡離宮
平蕪彌望漲痕邊
歲潦殷憂下澤偏
降趾

九重親隴畝勞身四載奠山川
沉珪潤比黃流瓚
健竹森如碧玉椽
早使河渠承

聖算宣房萬福應今年

長淮渺渺接河津

睿慮勤求故道循為問披圖巡甲子何如探簡命庚辰
歌徵黃鵠陂當復宿應蒼龍水亦馴待酒春泥催布穀
雕輪碾處旋生塵

十載江湖望

闕情今朝重得拜霓旌吏民安堵三章法父老呼嵩
萬歲聲珠樹轉燈明夜市綵棚圍錦暗春城靜街自有

金吾導羅繖前頭緩轡行

康衢

端冕采賾謠比戶騰聲徹慶霄分野一星占得歲鉤天
九奏感聞韶式閭粟帛高年賜賁路弓旌大隱招共應
乘春施

德惠東風入律聽長調

青郊夙駕省農祥隴雉朝迎扇影翔柳底轉旗過水市
花間

駐輦到山莊懸池的的金莖露蔭畝童童羽葆桑還似
祈年躬

帝藉春深澤國又移秧

南巡閱河恭進

聖德神功詩四首

王圖炳

五色雲端

萬歲聲

太平天子慶巡行梅風暖傍牙檣動芝草香依玉輦生

禹甸河山開

黼藻堯封雨露洽輿情欲知

宵旰勤勞意布德乘春又省耕

西來蔥嶺勢縈紆千里清瀾鏡面如竹箭聲中飛畫舫
麥苗風裏聚田廬

訃謨遠勝河渠志成績還超禹貢書自是隨刊皆
帝力川珍長効萬年餘

淮水迢迢彩鷁通總因懷保慰三農源分桐柏浮晴翠

浪息蠧城聽夕春東會秩然如析縷南條從此盡朝宗
民依經久煩

宸算指顧千村桑柘濃

雨過茸城春草滋從

天鹵簿見隆儀峯青九朶開蓮萼泖碧三條綰帶絲勝
地恰如逢鎬燕醇風還似繪豳詩

特蠲逋賦恩膏渥萬姓歡聲夾道隨

皇清文頴卷八十

欽定四庫全書薈要卷一萬九千四百八十二

集部

皇清文頴卷八十一

詩

七言律詩

聖武遠揚青海平定詩六首

有序

徐元夢

維我

國家受天眷命版圖式廓遠過漢唐九服寧一萬姓
恬熙絕島窮徼罔不慕義嚮風爭為臣僕我

皇上膺圖立極續承

列聖之緒

仁孝光昭

湛恩汪濊凡有血氣之倫胥戴生成之德誠哉天下
歸仁四方以無拂也羅卜歲丹津者青海部落偏
近甘涼自其先世內附有年

聖祖仁皇帝嘉其歸誠寵以王號兄弟數人皆膺顯爵
詎乃陰懷狡黠敢肆跳梁潛通逆寇策妄阿拉蒲

坦首鼠兩端悖德滅義同氣自戕

皇上矜乃冥頑不忍加誅遣使開諭至再至三小醜執

迷

帝赫斯怒

指授方畧命將出師雷轟電掣所向摧靡越今年二月

我師乘機深入晝夜兼行勝氣兆於風雲威聲震
於原野批空擣堅犁庭掃穴生致羅卜藏丹津之
母同惡之貝勒台吉等先後就擒所得輜重人畜

不可計算賊窘迫無歸易衣宵遁是役也兵不過數千人為時僅十有五日較之高宗之伐鬼方不需三載方之虞舜之格有苗未及七旬

廟畧遠頒膚功立奏洵亘古之所未有也捷書上

聞

聖意嘉悅晉封加秩推獎元戎輦賜帑金均勞將士普
天臣庶舞蹈歡呼請

御殿受賀

皇帝謙讓不居曰是惟

皇考簡用之將養之兵克宣乃力用奏膚功朕何有

焉但朕躬即

皇考之躬俟祭告

諸陵勉從所請伏惟我

皇上

亶聰首出睿算周詳

神機獨運動合天心

聖祖仁皇帝陟降在天呼吸罔間

豐功駿烈於是益光赫濯聲靈無遠弗震由此邊塵掃
蕩氛祲廓清橐不戰之弓造可封之俗申有截之
威受無疆之福薄海承休永永無極臣等叨侍

禁廷受

恩深重愧無江漢常武之作揚厲

神功謹各賦近體詩六章拜手稽首以獻

熙朝文軌庶邦同青海從來候尉通早列屏藩承正朔

久安沙磧沐

皇風跳梁忽軼生成外負固難容覆載中萬里驅除非
得已神機密運付元戎

醜類寧教恣蔓延師中

錫命

睿謀全韜鈴密授元臣畧節制遙伸大將權刁斗森嚴
開玉帳羽書徵調簇金鞭

聖皇本不矜神武為掃塵氛靖九邊

紛紛馳騎近西涼
螳臂攔車不自量
猛虎怒來無豕突
神鷹搏處失鷗張
氣凌山岳人爭奮
陣列風雲勢莫當
何地尚能容假息
追奔威已震遐荒

正是層冰積雪中
熊羆百隊勢排空
長驅直入軍聲壯
分道窮搜士氣雄
組練有光寒映月
驂騑得路夜嘶風
總因泰愛

恩難報刻日能成不世功

朔吹驚沙撲面迎
犁庭搗穴駭神兵
牛羊徧野隨征藁

甲仗如山雜去旌塵外趨風爭附款馬前羅拜乞更生
應知此日收殊績制勝

神謨賴

聖明

寢園躬薦正春深

行殿欣傳報捷音

大烈允昭

先世烈

皇心即是

在天心殊方自此無傳箭重譯於今盡獻琛共仰懷柔
文德遠還陳干羽玉階陰

聖武遠揚青海平定詩六首

朱軾

萬國輸忱戴

至尊仁風披拂滿乾坤諸藩久沐

生成德小醜偏忘

覆載恩纔見師中

天討赫俄聞閭外凱歌喧九霄溫律回寒磧春色融融
滿玉門

車書一統會冠裳何事么麼敢陸梁

命將專征乘豫順居中制勝仰

乾剛朱旗煥爛雲霞色紫塞昭回日月光

輦下歡呼聲動地捷書昨夜報飛章

七旬一月溯奇功奚似平邊半月中秋虎旅分行揚武衛
龍韜萬里授元戎全銷兵氣霜降日盡惕

天威草偃風正值辟雍光大典蓼蕭方奏又彤弓

皇仁浩蕩播休和

聖武丕昭慶止戈雲擁旌旄清朔漠霜嚴刁斗靖關河
齊歸風教天無外盡稟聲靈海不波從此九邊間將吏
軍中惟唱太平歌

寵賚遙頒自

九天千軍拜

命錫金錢芙蓉小隊間排甲楊柳新堤緩着鞭上澣受

成中澣至鐵衣出塞錦衣旋

王師十萬無遺鏃蕭管悠揚入酒泉

脫劍橐弓憇六軍百官齊賀靖塵氛

神謨奮斷承

先志

至德謙尊表

大勲

天地助靈彰赫濯

山陵昭告薦清芬巍巍駿烈光千載

鳳闕長凝五色雲

聖武遠揚青海平定詩六首

福敏

波澄青海淨氛塵遙聽軍書送喜頻
反側早憐輕自絕指揮共仰捷如神
建牙錫號推名將授鉞持權倚重臣
不是開邊勤遠畧須知

王化本無垠

藩封奕葉

聖恩長昧義無端忽啓疆不謂執迷勞

命使尚甘跋扈阻來王潛通遠寇依聲勢近擾隣封恣
陸梁一物豈容遺覆載長驅鐵騎掃欃槍

底用橫行十萬師前軍一戰定邊陲士緣宿飽能深入
將為酬恩屢出奇干羽七旬聞帝典戎軒六月記周詩
何如指日膚功奏不見關山雨雪時

白草黃沙壓陣雲名王面縛已紛紛受降喜氣連營動
奏凱歌聲徧野聞革筇蜚弧看滿載明駝駿馬勒成羣

若非

廟畧神無敵那得元戎第一勲

寒食朝

陵孝祀虔翠華行處

玉音宣飛來羽騎傳三捷信是

王師出萬全紫塞已看沾雨露金方從此靖烽烟非關
克敵

龍顏喜喜薦豐功慰

在天

告

廟升中大禮成晉封加秩荷殊榮勲名合上麒麟閣
恩賚還均驃騎營閭闔衣冠齊獻頌明堂琛賁競輸誠
皇威本與天無際億載謳歌樂太平

甲寅元旦立春雪竟日明朝晴霽王大臣稱賀時
祈穀齋期

召入西暖閣愷切訓示恭賦長律一章用誌忻忭

鄂爾泰

元日迎春春便雪回寅恰復會三寅豐登有象

天顏喜符兆初陳

睿旨諄直剖災祥闕政事重申敬怠勗臣隣辛盤

賜出齋宮肅大瑞何須紀鳳麟

賜遊西苑恭紀

有序

鄂爾泰

乾隆三年春

上初幸圓明園率同莊親王和親王寧郡王平郡王暨

張相國廷玉大司馬果毅公訥親領侍衛內大臣
常明大司農海望大司空來保泛舟看花徧遊內
所臣爾泰觸景傷懷悲喜駢集不覺涕之沾巾也
退直賦詩用誌悚仄

仙館蓬洲早入門宴遊重許侍

嚴尊驚看故我憐今我慚謝

新恩感

舊恩萬樹桃花紅在眼一湖春水碧無痕問津何處思

前席回首山村淚欲捫

問津屋兩間居河北岸前養病內地佳六所相離咫尺每

名對輒就

此沿河而南不半里許即樂志山村先帝寢宮在焉今不可復覩矣

甘霖普降

特召大學士

內廷翰林

圓明園泛舟賦詩恭紀

鄂爾泰

溟濛已布次瀧凍告足微愆早勅

躬伏奏既霑時節雨讌遊初領芟荷風恩隨畫舸流光

遠波及平田惠澤通益信

天心感誠德作霖有愧祝年豐

恭讀

御製面賦詩敬依元韻

鄂爾泰

蓬萊洲許侍流觀一櫂玻璃海樣寬

色笑中筵頌玉管珠璣滿斛寫綳紈川舟最望於今切
魚水遭逢自古難豈獨近臣忻幸極岸花林鳥亦清歡

己未新正二日

乾清宮侍宴賦栢梁體詩恭和

御製元韻

鄂爾泰

栢梁春宴領班聯

睿藻新裁墨尚鮮
忭舞爭看擎玉盞
頌歌應與被丹絃
昌年重賀元正雪
小會同登

聖主筵喜起一堂
真盛事願將

寶訓記圖編

恭和

御製詠瓶中新荷元韻

鄂爾泰

翠蓋輕歌露點粗
玻璃滿注育靈株
疎櫺香細聞猶遠
錦樣花多看似無
淨妙

睿襟延玉井
清涼仙骨濯冰壺
芙蓉別殿承

恩久靜挹容華敢自娛

容華芙蓉草花
見淮南子注

己未六月六日

上賜玻璃瓶荷恭紀一章敬依元韻

鄂爾泰

曾於圖畫見猶粗
愛出天然供幾株
好相不殊空裏色

真香恰似有中無

用老子妙有語

妙蓮華注琉璃界太液波分

藻鏡壺捧

賜歸來心似水書窓漏永頌康娛

恭和

御製登盤山天成寺江山一覽閣元韻 鄂爾泰

纓繆疊巘天成境

翠輦纔臨氣象分四正

盤山一名四正山

莊嚴呈色相三盤

山有

三盤分烟靄入聲聞叢霄路近塵寰小洞壑風來玉籟

紛知有仙靈羣從在蒲團

石名 箬笠 松名 總如雲

敬讀

御製幸盤山寺閣詩回憶舊遊如夢如覺用抒鄙懷仍

依元韻

鄂爾泰

廿年希到田盤路天眼模糊地角分忽捧

奎章忻見見却從法界注聞聞烟迷孤巘橫尤出風攪
空林靜不紛何日亭然風頂上白雲滿袖瞰青雲

夏日侍諸

皇子瀛臺讀書偶成長句用以示勸 福敏

高柳修篁四面陰
纖塵不到講筵深
細旃廣廈無煩暑
要道微言須會心
物我相關方是學
驕矜偶見便非欽
子臣交責非容易
莫為嬉遊廢討尋

己未正月二日

乾清宮侍宴賦栢梁體詩恭和

御製元韻

福敏

開年嘉會集班聯

泰運忻逢雲日鮮遐邇蒸黎登壽域融和淑氣應鳴絃
青陽令節方三始黃耆耆英在四筵一德從來能致瑞
好將大有紀芸編

多年踪跡廁班聯玉案親承

睿藻鮮黽勉共期崇聖學優游未敢奏繁絃
探精義貫徹天人

御講筵今日

仁恩徧寰宇持盈更進十思編

己未冬至前三日病中蒙

恩特賜七言近體詩一章謹用元韻恭紀二首

福敏

羅雀門庭過客稀忽傳

天語到林扉

宸章巨麗驚殊寵

聖意高深敢重違人笑龍鍾趨殿陛自憐顛倒着裳衣
病身正似寒松色煦嫗端須旭日暉

知遇由來帷幄重林泉何處勝朱扉精勤夙學衰年廢
卓犖初心老病違懷舊懼生經過夢感恩淚灑解餘衣
可憐遲暮今如此病草難邀春日暉

清潭應

制

阿克敦

宿雨全收拂曉晴碧泓新漲更涵清波分天外雲光淡
影帶洲邊草色明傍水亭臺炎暑却隔溪荷芰遠香生
翠華臨處塵埃淨自有淵淵愜

聖情

他爾氣嶺

鳴爾旦微零之巢穴在伊里是嶺乃其門戶也

阿克敦

雪滿陰山勢自橫中通一嶺類關城飛泉百道從雲落
亂木千重繞澗生巖仄有時難並轡石歌無處不遮行
蠢頑恃此成巢穴化洽行看險亦平

擬館試為愛寒花晚節香

限香字韻

德齡

歲蕤翠葉擁花黃燦映晨霞冷帶霜故向高秋標正色
不妨孤賞後羣芳餐英人瘦神俱淡透月籬疎影亦香

古盎移栽深護養要看歲暮鬪梅粧

自武關至留壩道中

德齡

果熟紅黃棧路香征鞍高與雁南翔
巖花淊淊緣雲濕澗樹沉沉壓水蒼
一線林光深見日千尋山骨迴含霜
馬蹄縮澀羊腸險猿鳥秋清引興長

初夏登樓有懷

德齡

雪盡河湟水漫流綠楊枝外有高樓
欲為登眺消長晝却對雲山動旅愁
通德門依天北極護羌人在海西頭

一家兄弟三年別偏倚長風憶少游

供職

內廷寄呈伯兄

時任西
寧遊擊

高斌

夙夜兢兢侍禁闈凌晨趨入戴星歸樓頭每憚更催漏
馬上常愁露濕衣意興懶隨庭鶴舞夢魂勞逐塞鴻飛
遙憐萬里同明月兄弟相思兩地違

秋日奉差樂亭偕同人夜行四十里至海邊觀日

出

高斌

乘興探奇渤澥旁
馳看紅日出扶桑
霞光彩徹連霄漢
雲淨秋空接大荒
青鳥不來仙跡杳
蓬瀛何處海天長
魂驚沙岸濤聲急
極目徒勞歎望洋

雍正十二年春蒙

恩補授倉場侍郎再赴潞署舟中恭紀
塞爾赫
襲袂和風起白蘋
荻芽蒲葉逐時新
掉頭踪跡成閒夢
到眼鷗波即故人
草色平鋪堤上路
柳花飛送鏡中春
恩波湛與長河永
浩浩流來自玉津

恭和

聖製己未元旦韻應

制

塞爾赫

紉縵卿雲瑞葉聯瞳矐初日曙光鮮
揆將

玉藻輝三殿播作熏風入五絃
白雪陽春歌

聖澤

紫宸清閼侍

恩筵小臣遭遇隆如此願效康衢載簡編

瀋陽

塞爾赫

鬱葱佳氣望中浮
沃野膏腴萬落稠
向

闕羣峰皆北拱
朝宗諸水盡西流
高連長白標天柱

山名

俯瞰滄溟敞鳳樓

宮中起三層鳳凰樓

城郭崢嶸民俗古
巍巍形

勢

帝王州

恭賦

御製東作勤耕勞衆力

張廷璐

乘春力作向東菑，穡事方興未敢遲。
麥隴荷鋤烟雨外，柳陰驅犢夕陽時。
催耕烏喚平疇迥，饁餉人歸穉子隨。
最是田家辛苦意，閔農深荷

聖人知

恭賦

御製風枝欲動不聞聲

張廷璐

渭川千畝碧蔥龍，誰寫烟梢尺幅中。
疑有微風來几席，似看清影拂簾櫳。
墨痕澹處湘雲動，香篆縈時宿霧籠。

漫說化工能肖物可知生意滿

宸衷

恭賦

御製田田荷葉雨聲齊

張廷璐

葉葉新荷貼水平輕風拂處晚涼生
銀塘忽過霏微雨
翠蓋遙傳浙瀝聲
金掌露凝擎沆瀣
玉盤珠落聽琮琤
應添太液恩波渥
霖霖還知慰

聖情

恭和

聖製三月三日得雨詩

徐本

芳時百穀茁根荑甘雨新霑遠近皆
迸玉跳珠千頃合
扶犁荷笠萬民諧
風飄繡陌紅香潤
雲覆春疇碧色佳
法駕不嫌旌旆濕
宸章揮灑一舒懷

雍正二年

躬耕藉田詩四首

徐本

萬戶千門聽曉鐘

六龍飛處五雲從
青壇莅止虔崇祀

玉趾親臨首重農
九扈職分瞻肅穆
三推禮具仰從容
我

皇宵旰原無逸
稼穡心勞事益恭

旭日旌旗輦路分
肇開東作邁思文
燃蕭默祝千村雨
秉黛深鋤一片雲
柳漸鳴鳩春意滿
杏初飛燕午風熏
袞衣成禮臨黃幄
次第公卿致力勤

鳳城環繞綠疇多羣仰

躬耕駐玉珂兆姓盡知敦本意老農齊唱得年歌兩岐
定見舒新麥同穎欣看長瑞禾

帝德天心相契合豐登寰宇共誠和

春臺昨夜察農祥播種偏宜黍稷良補助

恩波民廣被辛勤穡事

帝先嘗周原撫撫盈千畝夏甸青青裕萬箱不待滌場

田暖喜歡聲早已祝無疆

青海平定詩四首

徐本

運際勲華仰化成
如天雨露福蒼生
八紘敷教都懷德
九域宣誠一舉兵
青海風驅陰霧淨
紫垣星耀泰階平
旋師聽唱饒歌徹
桴鼓聲停沙漠清

王師捷伐似摧枯

命將平羌握虎符
兵接前鋒方勝策
窟搜深箐已全俘
敵情狡獪經

宸斷軍令分明出

廟謨去歲今年頻報捷

聖朝神武古來無

幾姓羌渾未合圍出奇制勝得先幾
黃雲滿塞橫金槊皓月臨邊掛鐵衣
陣設疑兵驚鶴唳幕殲殘寇見鳥飛
三軍憑仗

天威遠共慶功成振旅歸

曠曠日麗九重門宣示邊功

詔語溫仗下獻俘呈斧鉞殿前行賞脫縶鞅
元戎秩晉

三公貴上將封崇五等尊萬里烽烟從此息雷霆雨露
總

天恩

河清應瑞詩四首

徐本

洪河迢遞自天來清晏欣逢景運開星渚似移銀漢近
榮光疑並玉繩迴澄波蕩漾逾千里佳氣氤氲遍九垓
治協勲華多上瑞安流更慶淨纖埃

聖世懷柔及百川祥呈四瀆仰

乘乾長占海宇澄清象共沐

恩波浩蕩天瑞雪三冬爭皎潔卿雲五色映淪漣從教
率土沾濡遍

愷澤同流億萬年

平地成天府事釐源清流潔應

昌期瑞逾太皞披圖日

德邁伊耆刻玉時波靜定知塵不染光瑩直比鑑無私
由來史冊稱稀有鳳舞麟遊未及斯

一片澄泓萬象呈
舟航如在鏡中行
流從砥柱三門遠
氣挾扶輿九曲清
協應苞符

天眷厚敬承

謨烈

帝心誠鵷班此日傳

丹詔晉秩千官荷

寵榮

甘霖普降

特召大學士

內廷翰林


圓明園泛舟賦詩恭紀

徐本

御製
下喜遍郊畿

新晴覽翠微萬井膏腴方被澤一園草木已含暉
波隨櫂影初生穀涼沁荷香暗襲衣幸奉良遊瞻
聖藻疇咨念念切民依

皇清文頴卷八十一



總校官庶吉士臣張能照

校對官檢討臣郭寅

謄錄監生臣袁文宿

欽定四庫全書薈要

集部

皇清文穎卷八十二
三

詳校官候選知縣臣吳甸華



欽定四庫全書薈要卷一萬九千四百八十三

集部

皇清文頴卷八十二

詩

言律詩

乾隆三年

聖主躬耕藉田恭紀八首

有序

史貽直

乾隆三年二月辛亥

皇上躬詣藉田享

先農行耕耤禮

臣職在農官備位百寮之末不勝欣幸

職在農官備位百寮之末不勝欣幸

竊惟平秩東作始自堯年秉耒南郊詳於周禮潔

淦盛以事

上帝具典特隆敦稼穡以勸民時其儀大備漢則建於
乙地宋則位在辰方展祀則踵乎上辛蠲日則取
乎吉亥

青壇翠幄恒騫柳陌之風縹輶紺轅並借春旗之色陳
於京尹掌自司徒欽惟

皇上仁育羣生智周萬物奉三無私以出治行五達道
以誠民蠲租賜復之詔歲逮於閭閻省耕課稼之
條徧行於郡縣猶復

疇咨民瘼肇舉彛章月在夾鐘日惟淵獻

翠華幸而黜雲密布

朱紘戒而澍雨載零肅奉明禋

神聽有和平之福

躬親御耦農歌皆熙皞之聲土膏潤而生意胥涵地脈

融而根荻畢達從此杏花菖葉村村餅餌生香重
穆雙岐處處桑麻動色縹車不用知為多黍之徵
秧馬初分早叶維魚之夢北里之禾再至鄙上之
穎方來臣菽麥未分糠粃自媿欣逢盛典邁五帝
而軼三王敬勵官常率百官而生九穀用矢卷阿
之頌爰賡大有之年拜手陳詞不勝鳬藻

禁苑春濃地脈蘇碧莎微潤綠茵鋪三農乍喜甘霖渥
萬乘初臨德意敷柳曳長條迎豹尾桐垂細乳拂魚須

芳塋此日瞻仙仗便是幽風教稼圖

萃立崇壇陞栢重我

皇陟降禮

先農香煙合處知

天眷雲氣凝時仰

聖容升獻三成勤

玉趾樂歌九奏震金鏞和平薦德神昭慶果見千郊雨

露濃

錦幄高張綺陌新杏花微颭畫旗春霏霏香霧連平隰
習習條風動遠塵

御耦三推因勸穡王耕一墾為勤民

帝心逸豫農歡樂黃髮扶鳩祝

聖人

韶和應律土膏融吉亥時乘卜屢豐肅肅鈎陳環禁闥
迢迢華蓋御

齋宮官僚儼立青壇外父老歡騰紫陌中草服荷衣咸

拜手共隨京尹效呼嵩

鸞旗夙駕

聖心虔遠樹經春翠幄懸風動霓旌烏細轉雲依雉尾
鳳徐騫芙蓉水泛蓮花漏榆英錢飄柳葉鵲共識
宸遊非玩物由來哲后敬民天

勞酒宣慈感

聖恩百僚虎拜沐春溫祈年頻戒蒼龍駕納諫常開白
獸尊穉稷生香敷禹甸黍苗擢穎被周原遐降邇陌都

金史四庫全書
卷八十二
如畫乳燕翻飛入繭園

微臣備位忝農官叨與隆儀得壯觀如稼有秋千戶稔
似葵向日寸心丹均平九式承

慈眷游豫三春奉

睿歡奮負只今懷祇懼度支無術分難安

雨餘秧馬欲分窠

聖主勤民感太和已見彤庭生瑞英還看寢廟薦嘉禾
隴頭漸覺閒遊少犢背惟聞笑語多幸際中天明盛日

始知堯陞有賡歌

聖主躬耕藉田恭紀四首

有序

陳惠華

欽惟

皇上深仁浹洽至德光昭孝思肫篤於晨昏誠惓肅將
乎禴祀三才叶應化被垓垓一氣涵濡榮敷草木
乃猶

心勤稼穡念切農桑時當

御極之三年節屆陽春之二月農祥初爍土脈方融爰

肅祀事於靈壇用即田功於芳甸綠疇如砥

華袞躬臨蔥嶧引犁洪縻手試公卿並贊小大咸從勤
開一壆而加推喜溢兆人而終畝維時和風徐扇
細雨輕濡杏花菖葉涵

紫極之恩光社鼓田歌播皇州之淑氣要使人知務本
統四海以耕耘從茲戶慶逢年登萬方於仁壽臣
叨陪鵷序幸從

鸞輿深惟教養之勤莫罄賡颺之願

堯天難繪祇同擊壤以興歌周甸親游竊效載芟而奏
詠敬陳七律恭紀

鴻庥

昇平典禮重勤民千畝欣逢

玉輦巡

恩澤早聞周四海田功肇即擇元辰雨暘在念殷憂切
稼穡維艱勸相親正是仲春東作候青箱黛耜出

楓宸

靈壇籩豆禮先農鞭耒

親持映袞龍芳甸乍融春雨細彩旗徐轉瑞雲重健行
欲倍三推數趨贊同時百職從稽首臺前奏終畝十千
亞旅洽歡悰

春滿乾坤二月天桑麻樂利溥無邊愚民但願豐登繼
聖主長懷率作先草印金根浮玉露林搖豹尾裊爐煙
倉庾布穀知人意百疇催迎大有年
霰霖如酥秉耒時

孚誠直與上蒼期太平有象安耕鑿大造無私眷緝熙
帝德儉勤超漢室民風淳厚續豳詩從茲盛典年年舉
不羨開元但具儀

聖主躬耕藉田恭紀六首

梁詩正

聖人繼治重耕桑夙夜勤民問未央

詔恤三農

恩屢逮政儲九稔慮彌長謠衢早識流膏遍

秉耒尤徵舉典詳綠野即今春已及天田星現待游場

長養風披紫甸多土膏春動氣全和田功最厯君王念
帝力時聞父老歌鐘徹朝陽千騎出旗翻曙影百枝過
鑾輿徐向郊原駐宿潤猶霑輦路莎

笙鏞旋聽奏

齋宮

黼座精誠冥漠通黃幄敞來蒼壁薦青壇啓處紫煙籠
典因民事陳儀肅

帝鑒

君心兆歲豐最是應期甘澤降馨香從識感

元穹

禾詞歌徹競扶犁如砥平疇播種宜花繞

帷宮風乍暖樹連春野雨旋滋芳畦塵靜停蔥蒨繡澮
萍開漾綠漪好及元辰興御耦陌頭稼器獻農師

蘭場染屨拂芳烟

天子親農井邑傳修藉共知千畝重加推端為萬民先
喜看亞旅攜鋤至遞見公卿撫耜前借力不忘趨事早

率耕歲歲起春妍

一尊勞酒進耕餘從此豐穰應不虛
總銓詎惟供御廩
京坻還見紀鄉閭祥光縹緲浮芳甸
喜氣充盈動屬車
億載朱紘垂令典長瞻景福萃天居

聖主躬耕藉田恭紀八首

吳應茶

三載

仁恩浹萬年一中

主極紹心傳授時堯典敷平秩卜世姬宗重甫田春滿

乾坤開泰運風和
阡陌動祥烟為乘陽氣勤民事輕暖
輕寒二月天

天意

君心一氣通先期灑道有神功
一犁紅杏枝頭雨幾陣
桃花信後風零露滑兮農具潤
春泥濕處土膏融試聽
仙樂聲和協先奏咸豐後屢豐

郊宮祈穀禮初成又見

金根載耜行后土
顯然呈地寶

先農默為助春耕那知耜雨犁雲候悉載堯咨舜做情
虔奉粢盛供孝享俱從夙夜殫精誠

聖世明農遠肇基艱難穡事

帝周知中宵時塵茅檐慮郊外欣傳

玉趾移山野農人齊拜哀

文思天子自扶犁勸畊何必三推限五度神龍護彩旗
芳甸寧誇萬彙妍

親偕襍禡下春田豐登惟望餘三九駿發爭看耦十千

民氣暢時民力阜

聖心勞處

聖躬先禾詞語語關民瘼若較幽風倍恪虔

壇外輕煙濕菜花臺前風物更清嘉神臯共仰千秋舉

御廩應多十倍加但見民情依日月豈知

天意重桑麻殷勤肯便

回鸞早白叟黃童滿道遮

樗材廿載近蓬萊小草欣承雨露培楊柳陰中隨

輦至簫韶聲裏勸農來平疇雨洗秧旗動綺陌風微社
鼓催一幅昇平好圖畫熙然同樂上春臺

春郊禮畢氣和融原隰昀昀輦路通比歲

賜租過億萬今朝履畝到南東已看擊壤盈畿甸從此
勤農遍域中惇史年年書大有永垂盛典紀皇風

聖主躬耕藉田恭紀四首

許希孔

民事艱難我

后知春和藉畝肇隆儀農星耀彩天文麗穀雨流膏地

脈滋化洽高深歸

主極勤先億兆仰

君慈載歌三十六禾句如誦豳風七月詩

日月交旗出鳳城太平

天子勸深耕青壇岳立丹霄上黃幄雲開綠野平
草近
瑤輿含露潤花依玉藻帶霞明

天顏有喜農夫慶匝地懽呼嵩嶽聲

上辛昔拜袞龍衣吉亥今瞻六御飛共識

皇心殷稼穡時勞

清蹕駐郊畿先農既醉黃流瓚保介趨隨玉節揮一墀
三班成禮後知時好雨轉霏霏

帝藉龍蔥靄瑞煙明昭受賜屢豐年誠孚黍稷居歆日
敬在粢盛播種先暖日花村聞鼓籥冰天桂海靖戈鋌
揚庥共進思文頌紀盛還歌於樂篇

聖主躬耕藉田恭紀四首

鄒升恒

昌期致治在勤民稼穡開先事必親祈穀已行元日禮

耜田仍及土膏春風光二月連三月帳殿千人拱
一人共喜乾行乘巽德早看

鸞輅出

楓宸

后稷思文配彼天

齋宮淳濯倍昭虔先時嘉種呈穰穰此日升香肅豆籩
翠柏森森籠寶幄青榆歷歷蔭天田司農大尹齋心待
垂柳陰中進綠鞭

天子親耕一墾開兩行鴈鷺翼登臺旂翻繡幙千層錦
鼓動春塘百面雷清畎冷風吹細籜綠簑微雨淨纖埃
良苗也解懷新澤不用村村布穀催

教孝明農鉅典彰

王畿仍作四方綱民歡補助先成諺

天鑒精誠屢降康春雨一犁秧水綠秋風萬里稻雲黃

微臣

願領瞻蒲衆酌兕同稱萬壽觴

聖主躬耕藉田恭紀八首

于振

淑氣初回禁苑春

皇心無逸為勞民千官肅穆趨青甸萬騎雍容出

紫宸柳葉細裁知令序桐花微綻識芳辰應時甘雨隨
天仗父老歡歌祝

聖人

綺陌芳塍雨露濃青壇嶽立禮

先農時和鳥喚千郊曙春麗鯨鏗萬石鐘展席乍看朱
戚舞燔烟疑有白雲封由來降福皆

神賜知是天心眷

九重

輦路紆迴細草縈齋宮靜闕漏壺清

皇心作肅惟居敬

聖德持盈在立誠九列師師嘉禮備三公翼翼泰階平
侍臣鵠立更衣殿日月昭回

袞繡明

黛耜恭陳錦甸開紺轅在御百僚陪欲教兆姓皆三黼

不惜

皇躬盡五推仙仗續紛輝綵幄農歌來徃徧春垓金鉦
畫鼓聲初罷

天步旋臨視稼臺

公卿秉耒土膏融漠漠輕埃剪剪風九穀允為王道始
千疇還待庶人終劇憐雨後粉榆綠預卜秋來穠絳紅
雲物羊綿占太史昇平時節兆年豐

鑾輅金根出建章羣黎徧德覲

龍光老農拜手隨京兆百辟趨墀引奉常朱草紫華同
翁鬱黃支烏弋盡梯航津莖潤葉真嘉瑞萬彙昭蘇

帝道昌

阡陌縱橫繚粉垣

先皇曾此撫青轅道隆繼述斯為孝澤洽蒸黎豈有譖
從此巍巍歌

聖德即今膺膺頌周原嘉禾九穗尋常事要使淳風邁

帝軒

雍正三年臣振備位
講官曾叨扈從

太寢深嚴綺戶張

一人恭己坐明堂
鳬趨欲效三多祝
虎拜羣稱萬壽觴
大地陽和歸几席
鈞天廣奏叶笙簧
鑾輿廻處聞清蹕
五色卿雲扈九閭

聖主躬耕藉田恭紀四首

有序

金相

欽惟

皇上御極之三年
擇元辰載耒耜

躬耕千畝為天下
先是日也靈雨霏
微休徵協應皆由

我

皇上孝思誠敬千古無與比倫故能上格

天心降茲渥澤天人感應之理尤為顯著者也臣躬逢

盛事目覩嘉祥不揣謏陋謹拜手稽首而獻詩曰

九重春靄曉曈曨
黛耜

親耕鉅典隆解雨時行蒙

聖澤地雷春奮仰神功司農撰器先期告太史占書應

律同最是吾

皇敦稼穡好將圖畫詠豳風

布穀聲喧品彙昌昇平

天子重耕桑雲迎翠輦依壇近花拂青旗夾路香

玉趾按行先虎旅金鞭徐舉燦

龍章侍臣共覩

天顏喜為卜豐年萬國康

御廩神倉備藉田奉先思孝倍心虔青箱種播春膏潤
綠野雲披畫景妍三爵油油分勞酒百僚濟濟侑嘉筵

須知

聖主勤民意祇為蒼生祝有年

細雨濛濛隴麥滋禾詞引唱最相宜靈壇煙靄方呈瑞
繡壤甘霖恰應期東作西成民力普茅簷節屋

帝心知從今不數元和事樂譜新傳賀雨詩

聖主躬耕藉田恭紀四首

有序

嵇璜

臣聞詩詠千畝禮載三推教孝所以盡誠勸農歸

於務本先時有協風之應後車有甘雨之隨惟敬

洽於天人斯澤流於上下乃若元辰載耒經傳祈
穀之文吉亥修儀臺有觀耕之號唐則多增壇壝
宋則屢改樂章往冊所傳盛儀希覲我

皇上本敬天勤民之心普府修事和之化情殷稼穡屏
書無逸之篇儉著松雲座繪幽風之象固已盡力
溝洫皆屬我疆我理之經猶

念供奉神倉務體必躬必親之義值陽春之仲序覽景
物之芳菲御玉輦於東郊駐和鸞於南畝青壇嶽

立九旗飄神鼎之煙翠幙雲凝六律應鈞韶之響
明裡致祭聿享

先農掌次進衣迺咨保介服朱紘而

身勸載黛耜以

躬臨維時誠孝感於

天心陰陽和於元氣爰布春雲之漠漠聿興時雨之祁
祁公田藝而地脉俱融嘉穀播而土膏畢發於是
登臺

親閱喜千耦之同耘勞酒頻頒識普天之共慶神都湛
露正羣工拜

賜之辰薄海春風斯萬國被

恩之日既田功之克即乃井養而不窮銅雀徵祥協三
十六禾之祝鯨魚貢瑞超七十二代之編惟時行
以應乾故順動而成豫新儀式煥舊典加隆臣承
恩清禁喜聞大禮之慶成扈

蹕靈壇思效庶人之終畝道揚仁孝愧無潘岳之詞

鼓吹昇平竊附宋祁之頌云爾

星見天田淑氣回青郊

法駕為民來三時耒耜春和始萬井耕桑

帝力開綺陌香雲連寶幄鳳城煙景護崇臺元辰方屆
修儀肅農扈疇咨徧八垓

父老扶犁夾道遮游場清蹕靜無譁青箱嘉種含雲液
縹輶春旗帶露華何幸田間瞻

日月遙聞

天語問桑麻
憫農最切祈
年望貯聽豐穰
祝滿家
曾占好雨恰知時
春野輕勻散似絲
禮重加推明穡事
樂和衆耦譜禾詞
倉庚聲裏金鋤舉
綠柳陰中碧甸滋
歲歲率先勞

玉趾何須七月更陳詩

勞酒初行慶典新
迴鞭不動屬車塵
由來望杏瞻蒲候
即是吹豳飲蜡辰
沛澤三農勤補助
薦馨

九廟洽神人

小臣

載筆賡華黍與物同歌浩蕩春

聖主躬耕藉田恭紀四首

張若靄

農壇佳氣接齋宮

鑾輅

親耕典禮崇四海久應忘

帝力

九重猶自念田功
青旗浥露郊原近
翠幙連雲閣道通
蓑袂笠簷紛在目
不須便殿繪幽風

平田漠漠護春陰
履畝躬勞

降輦臨趨事已知民樂業兆康潛卜

帝居歆絲鞭拂處縈烟轉黛耜移時帶雨深一撥乍開
沾灑足早看綠意遍芳林

布穀聲中駐六駟

翠華不為奉

宸遊蒼生預慰篝車望黃屋常先婦子謀千畝流膏敷
帝澤四時備享答神庥歸來勞酒頻宣賜新喜沾

恩次小侯

全家詔祿出堯厨奕世承

恩采殿趨力穡日聞

天子訓耕犁親見

聖人扶青箱載啓三農利縹輓加推百代模從此曾孫
長介祉年年橐筆紀苞符

皇清文頴卷八十二